

戶部則例



臣允禩等謹

奏臣等前次進

呈戶部庫藏會典一卷則例一卷會典則例內均

仰蒙

皇上聖明指示精詳臣等謹遵

諭旨改正粘簽進

呈伏候

御覽為此謹

奏

旨改正遵

戶部則例

庫藏

國初設立戶部三庫。一曰銀庫。署在部。一曰段尺庫。

在東華門外。一曰顏料庫。署在西安門內。



一總理庫務。順治初統歸戶部管理。後分屬各

部。寺收支。兼設巡庫科道。尋裁。康熙三年仍歸

部管理。○雍正元年。

特命王公大臣總理三庫。鑄給印信。○八年奏準更鑄

戶部則例

戶部則例

庫藏

國初設立戶部三庫。一曰銀庫。在部署舊為金銀

貯焉。雍正元年。將金珠等項。改一曰段疋庫。在

歸內務府廣儲司。更名銀庫。改一曰段疋庫。在

外。華門一曰顏料庫。向在西安門內。監管理

甲字。承運。供用。三庫。副馬。屬三庫。兼管。

一總理庫務。順治初。統歸戶部管理。後分屬各

部寺收支。兼設巡庫科道。尋裁。康熙三年。仍歸

部管理。○雍正元年。特命王公大臣總理三庫。鑄給印信。○八年奏準。更鑄

管理戶部三庫衙門印信。

一管庫官役。順治初題設後庫滿郎中四人。員外郎二人。司庫六人。筆帖式十人。○十二年分為銀庫。段足庫。顏料庫。三庫。設理事官二人。掌庫印。添設司庫三人。筆帖式二人。○康熙二十五年定。將管庫官分隸三庫。各按所司。掌稽出納。滿洲掌印郎中。每庫各一人。員外郎。每庫各一人。司庫。每庫各二人。筆帖式。每庫各八人。庫使。銀庫十二人。段足庫。顏料庫。各十人。經制書吏。每庫各一人。顏料庫。內監六人。樓軍八

人。匠役四十二人。銀庫匠役三人。○雍正二年設大使。每庫各一人。增設員外郎。每庫各一人。銀庫。銀匠三人。皂役三人。庫丁四十人。段足庫。庫役二十一人。顏料庫。樓軍二十八人。顏料庫。庫使一人。大使書吏。每庫各一人。皂隸。每庫各二人。裁銀庫司庫一人。筆帖式二人。庫使六人。段足庫。筆帖式五人。庫使一人。顏料庫。筆帖式四人。匠役一人。內監六人。設三庫掌案主事一人。筆帖式二人。書吏二人。皂隸四人。○乾隆三年奏。準增銀庫大使一人。經制書吏

一人○十三年奏準看守三庫官兵銀庫旗弁五人兵十名段足庫旗弁四人兵五十名顏料庫旗弁八人兵四十二名均令上三旗委賢員遇換班之日前往稽察仍令所委稽察官在庫投遞職名以備註冊如有空班不到該旗立即題叅倘稽察官徇隱姑縱經庫官察出除將看庫官叅處外將稽察官一并交部議處

一選補庫官康熙四十四年

諭銀庫段足庫顏料庫郎中員外郎闕向係將本部官斟酌選補嗣後將各部院官員保舉引見欽此○乾

隆三年奏準三庫郎中員外郎在庫行走三年滿後於各部院衙門滿郎中員外郎內遴選保送引

見調補司庫五年一換期滿以應升主事即用司庫闕於三庫筆帖式庫使內遴選題補○又題準增銀庫大使一人於三庫筆帖式內遴選題補五年期滿照例以應升之官即行升用○九年奏準三庫掌案主事并三庫司庫大使筆帖式庫使均三年更換主事年滿於部院滿主事內遴選保送引

見調補司庫年滿於各部院滿正七品。從七品。小京  
官內遴選保送引

見調補庫大使年滿於各部院滿筆帖式內遴選保  
送引

見調補各以原銜食俸。停止五年期滿保題升用之。  
例。掌案主事。三庫筆帖式年滿於各部院滿筆  
帖式內保送。每員闕。遴選二人保送引

見調補三庫庫使年滿於各部寺庫使內。遴選保送。

見調補引

一銀庫乃天下財賦之總匯。出納均有常經。各  
省歲輸田賦。鹽課。關稅。雜賦。除存留本省支用  
外。凡起運至京者。咸入焉。田賦由各州縣運赴  
布政使司。由布政使司解部。鹽課或場官經徵  
申解。運鹽使司。或運使經徵。均由鹽政委官解  
部。關稅由各關監督按例徵課。分季解部。雜賦  
解部。與田賦同。直省贓罰銀。彙解按察使司。除  
解刑部公用外。餘亦解部。均入庫收貯。寶泉局  
鑄出制錢。亦入庫收貯。以待度支。○順治初年  
定。直省起解本色物料。折色銀。到部各該司察

驗移文。掌庫官照數秤驗收貯。出給庫收付覆各司。○十二年題準。掌庫官司庫。每歲底將出納銀錢造冊呈堂覈算。○十六年題準。直省起解錢糧徑投各部。免赴京畿道挂號驗批。○康熙十四年議準。管庫官將庫內物件。不行固貯。以致庫司等偷盜者。降一級調用。罰俸一年。○四十五年。

諭。凡庫內錢糧。皆有交代。所以易於盤察。惟戶部銀庫貯銀甚多。盤察甚難。其出入數目。必不能清楚。若將每年新收銀。別行收貯。至用銀時。將舊銀挨用。則易

於盤察。而數目亦得清楚矣。欽此。○雍正二年題準。

各省將解送銀段顏料。限定日期。或差官某人。或差役某人。某項銀段顏料若干。木鞘包箱若干。均用印封封固。於某日起程。幾日到部之處。預行知會大使。文到令大使呈報總理三庫大臣。暨庫官。俟銀物解到之日。將批文登記號簿。送承發科。即令該司司官。公同監收。呈報總理大臣。至劈鞘時。令大使看劈。如有補交短少銀者。令大使公同該司官。到庫驗收。將點鞘承辦之處。專責大使。門官不得干預。○八年覆準。嗣

後凡有解送銀兩顏料香木等項到部均限一月內驗收給發批迴○十年奏準頒給各省正副法馬嗣後管解銀兩將副法馬封交解官齎領至部與庫貯原法馬較準合一然後兌收如有短少將解官叅處倘有將法馬私行改鑄者察出叅奏按律治罪庫官故為輕重察實嚴叅○十二年奏準解部銀如有短少將原銀交解官看守行令兌發官親身赴京到部自看彈兌令其對証明確若無短少將庫官從重議處如果短少將兌發官暨解官分別議處所闕銀著落

兌發官賠補○又奏準嗣後地丁銀解交元寶關鈔鹽課漕項悉解散碎銀以便給發○又奏準外解贓罰銀除原文投刑部外銀批徑投到部由部收足後知會刑部覈案完結○又奏準八旗支領兵餉務令叅領佐領驍騎校等赴庫眼同庫官彈兌收領領回親身散給以免扣剋○又奏準各省元寶輕重不等令該督撫等轉飭州縣於傾鑄時驗足成色兌準分兩入爐鑄出爐之後如輕重適符部頒法馬無庸更加滴珠者文內聲明別鞘裝載如有輕短者無庸



回爐重爐亦無庸更加滴珠。但將應加滴珠之銀數準數目另封入鞘。戶部彈兌之時係足數者如數驗收以備給發官軍俸餉。其不足者即用所封滴珠之銀加平彈兌。其元寶入於碎銀內給發。○乾隆三年奏準兩淮鹽課均令傾成元寶解交一段足庫。凡各省解到紬段絹布皮張絲綿棉麻等項均付庫收貯。○順治初年定三處織造錢糧事宜均隸戶部。○八年定改隸工部。○康熙三年定織造事宜隸工部。錢糧歸戶部報銷。○又定江寧蘇州杭州三織造應解大蟒段小

蟒段金線蟒段暗蟒段三等蟒段立蟒段大閃段小閃段粧花段寸蟒段次粧段中錦草錦金字段補段補服料羅段片金羅片金倭段帽段次帽段滿水段裙蟒段蟒紗立蟒紗粧花紗裙蟒紗紗片金金字紗補紗大段次大段亮花段衣素段次衣素段各色光素段次光素段揚段次揚段彭段次彭段宮細各種紗羅紡絲綾西絹抗紬三梭布三線布油墩布苧布白苧布夏布絲緯絲絨繡線絹線生絲手帕以上各項如庫中應需某項酌量均派於預年八月內具

稿呈堂。移付江浙二司。轉行各該織造。辦解定

限於次年八月內解部。如派後再有闕少不敷

者。隨即加派酌量。限期辦解。其價值均由各該

司覈銷。○山西布政使司。應解生絹千二百疋。

農桑絲絹二百疋。遇閏加四十四疋。三梭棉布

二千四百九十八疋。丈八尺有奇。○舊係江蘇辦

改歸○江蘇布政使司。應解五色三梭布五千

疋。○浙江布政使司。應解白綿二百斤。以上採

皆由部覈銷其舊解今停者直隸山東花絨河

南衣絨山東河南濶棉布江蘇黃白絹黃絲絹

白麻安徽狐皮稅絲絹土絲江蘇安徽生絹農

桑絹棉布麻安徽江西苧布浙江杭紬白絲黃

絲價銀皆扣存布  
政司庫按數解部

○順治十六年覆準。解到絲棉絹疋等項。已經委司選驗堪用者。該庫不許覆驗。耽延抑勒多收。違者治罪。○康熙五十年

諭。嗣後如用綵紬。著內務府出給印文。委官到部取用。事完仍令原取之官親身赴部繳明。欽此。○五十八年覆準。段疋庫照銀庫例。動支舊存物料。將新收者別行收貯。○雍正七年奏準。江寧織辦段紗。照杭州之例。每年於藩庫見存銀內先支二

萬兩辦理。餘銀俟派文到日找給。○又奏準。

上用御衣水運。原用二船。嗣後裁去一船。

上用段疋。仍歸陸運。自雇羸脚。○乾隆十年奏準。嗣後三處織造採買。

上用絲。每兩經絲。準銷銀八分二釐。緯絲。準銷銀七分七釐。粧絨絲。準銷銀七分五釐。均於浙江之南潯雙林二處置買。官用絲。每兩經絲。準銷銀八分一釐五毫。緯絲。準銷銀七分五釐。粧絨絲。準銷銀七分四釐。均於新市置買。其價由織造官先呈報督撫。取具地方官並無浮冒印結。再

報明本部內務府。價廉時照定價置買。價貴時準其加增。但所增價值。

上用絲不得出二分一釐之數。官用絲不得出一分二釐之數。杭州紬綾絲。筋體重。至奏銷時將逐疋所用經絲緯絲若干。織成段疋重若干。應銷若干。逐一分晰。造冊送部覈銷。所織段。如絲不純不淨。及分兩輕減者。內務府駁回。令織造官補織解送。○又議準。三處織造所用。

上用紅圓金。每丈準銷銀三釐。扁金。每十條準銷銀二釐。蘇杭二處黃圓金。每丈準銷銀三釐。江寧

青圓金。每十有四丈準銷銀三分。江寧潤扁金。每五百二十條準銷銀一錢四釐。雙料紅圓金。每丈準銷銀三釐。杭州淡圓金。每十有一丈二尺準銷銀三分四釐。紫赤圓金。每十有一丈二尺準銷銀三分六釐。大赤扁金。每六百條準銷銀一錢。三處官用紅圓金。每丈準銷銀二釐五毫。赤扁金。每十條準銷銀一釐五毫。杭州紫扁金。每六百條準銷銀九分。染價。江寧大紅色。每絲一兩作價銀一錢二分。二紅三紅色。作價銀一分三釐。蘇杭二處。顏色稍佳。大紅色。每絲一

兩作價銀一錢五分二紅三紅色作價銀一分五釐。各色染價。蘇州染匠向無食米。每絲一兩支工價銀自一分至二分不等。江寧杭州二處向係四五釐至八九釐者。仍照舊例均準開銷一分。至刷紗經仍照舊例開銷。搖紡工價。江寧杭州二處。

上用經絲。每兩準銷銀二分。緯絨絲。每兩準銷銀一分。官用經絲。每兩準銷銀一分八釐。緯絨絲。每兩準銷銀九釐。杭州掉絡刷紗。每兩準銷銀一分。至蘇州無搖紡。額設支米工匠。遇工雇募。

上用經絲。每兩準銷銀四分。官用經絲。每兩準銷銀二分。其緯絨絲。不分。

上用官用。每兩均準銷銀一分六釐。再牽經接工價。三處織造。每足概給工價銀八分。其打線工價。每工自四釐至九釐。一分不等。織挽各匠。每名日給工銀五分。月給食米四斗。○又奏準三處織造一體織辦。所需工價數目。自應相同。何至彼此多寡懸殊。嗣後除多至四五工。準其開銷外。其多至五工以上者。即令覈減。○又奏準江寧見設機共六百張。機匠千七百八十名。蘇州

見設機共六百六十三張機匠千九百三十二名。杭州見設機共六百張機匠千八百名外。江寧見留搖紡染匠。所管高手等匠七百七十七名。蘇州挑花棟繡。所管高手等匠二百四十三名。杭州搖紡染匠挑花暨所管高手等匠五百三十名。是江杭二處各項匠役較蘇州多至二百名。緣江寧有搖紡匠五十六名。染匠五十四名。每月給食米三斗。杭州有搖紡染匠二百二十六名。每名月給食米四斗。各色染匠四十四名。每名月給米二斗四升不等。蘇州並無此項

匠工額米。江杭二處不便偏設。但此項人役食糧年久難以遽裁。嗣後或遇斥革或有病故。即停募補。有派織事件。照蘇州之例。遇工雇募。空闕人役。按季報部。再江杭二處各色染匠。江寧大紅染匠。既經裁去食米。其工價量加增。酌定江寧大紅每絲一兩。準銷銀一錢三分。江杭二處各色染價。向係四五釐者。作為六釐。向係八九釐者。作為一分。其一分以上者。作為一分五釐開銷。○十二年議準。三處織造。係委官買絲。嗣後毋庸支給盤費。杭州與產絲地接壤。毋

庸給與運費外。其江寧蘇州運絲船價車脚人役盤費等項。按照程途酌定數目。於申餘項下開銷。每歲呈報內務府察覈。○又奏準。江寧染匠遵奉裁減外。搖紡匠五百二十六名。皆自幼在局習成。與民間外戶各別。難以臨時募補。仍按舊例。以在局學成之幼匠補充。革病故之原數。照舊按名。月給食米三斗。○又奏準。部派段紗工料價值。自宜與內務府派辦段紗一例辦理。令織造官均照新定條款題銷。緯絨等絲。按照經絲加增之數。每兩酌減五釐。價貴之

年。

上用緯絨絲。每兩準其加增一分六釐。官用緯絨絲。每兩準其加增七釐。如遇價廉年分。即照原定價值採買。仍令浙撫嚴飭產絲地方官。確訪時價。取具並無捏飾印結。咨部存案。俟織造官報銷到日。覈對相符。方準開銷。如有參差浮冒。即行叅處。

一顏料庫。凡各省解到銅鐵鉛錫硃砂黃丹沉香降香黃茶白蠟黃蠟紙桐油并花梨紫榆等木。均付庫收貯。又專辦成造香燭。以供祭祀。以

備內用。○直隸布政使司應解黃櫨木二千四百三十斤。芝麻百石。○山東布政使司應解黃丹五千斤。○山西布政使司應解平鐵七萬斤。舊係江蘇辦解。雍正三年。改歸山西。毛頭紙四十萬張。呈文紙萬張。○河南布政使司應解黑鉛七萬六千八百三十三斤。○江蘇布政使司應解烏梅千斤。明礬六千斤。○安徽布政使司應解紅熟銅九千六百二十五斤。有奇。鋼萬有六百六十一斤。桐油萬四千二十六斤。舊解萬二千五百四十斤。雍正三年。以福建原辦之四百八十三斤。雍正三年。改歸安徽。銀硃五千八百一十有一斤。有奇。○江西

布政使司應解銀硃二千五百八十九斤。有奇。桐油二千五百四十二斤。舊解二千五百八十九斤。雍正三年。以福建原辦之四百八十三斤。改歸江西。紫草百六十二斤。有奇。五倍子二百九十七斤。有奇。○福建布政使司應解紅熟銅八千六百有八斤。有奇。舊解四千六百二十斤。雍正二年。以河南江西原辦之三千九百八十六斤。有奇。改歸福建。黑鉛十萬五千五百五十七斤。有奇。沉速香六百斤。○浙江布政使司應解黃熟銅千六十五斤。桐油八千三百二十九斤。有奇。芽茶五千斤。黃茶九十二簍。計九千二百斤。○湖北布政使司應解黑鉛萬七千



六百六十九斤。○湖南布政使司應解黑鉛萬  
七千六百六十九斤。○廣東布政使司應解降  
真香九百斤。沉香三百斤。紫榆木十四段。每段  
重二百斤。花梨木十四段。每段重百五十斤。廣  
膠千斤。廣靛花二千斤。○雲南布政使司應解  
天青二百三十斤。有奇。又天青六十六斤。有  
奇。不足用。則以上應解各物。如庫貯足。用則停解。  
停者。直隸蒲杖。山東紅花。槐花。河南芝麻。花粉。  
白芨。安徽榜紙。燈草。福建降真香。湖南牛角。弓面。  
東鋼。直隸山。東河南。山西。福建。廣西。生熟銅。山東。  
牛角。山。東。河南。山西。福建。廣東。黃蠟。山。西。西。安。苗。草。山。  
建。浙。江。湖。北。湖。南。廣。東。黃。蠟。山。西。西。安。苗。草。山。

西河南江西明礬山山西福建浙江江五梧子山西  
安徽福建廣東錫鐵江蘇安徽靛花青。騰黃。光  
粉。江蘇安徽福建芽茶。江蘇安徽廣東廣西魚  
線。江蘇安徽福建。江蘇安徽廣東廣西。  
福建。黑鉛。安徽。江西。福建。浙江。廣東。銀。珠。安。徽。  
福建。湖北。湖南。廣東。白。蠟。福建。廣東。銀。珠。福。建。  
浙江。廣。西。熟。鐵。以上。停。解。部。  
浙。江。廣。西。熟。鐵。以上。停。解。部。  
銀。扣。存。布。政。司。庫。按。數。解。部。

戶部則例

七



○順治初定直省起解本色物料守道布政使

司差委廉幹官填付勘合水陸撥夫限程扣送到京先將批迴赴京畿道挂號方投部部令各司察驗收貯即判批迴給原解官回銷仍存案以備考察○九年議準直省解交本色顏料藥材等項酌議折銀起解○十年

諭民間辦解物料僉點解戶賠累難堪其應解本色官收官解不得仍派小民欽此○十七年題準顏料等項定限每歲八月交納○康熙七年題準各省本色顏料本年四月領銀辦買限十月解部○十一年題準顏料等項該撫委的當官役批內

註定到京月日。赴崇文門掛號。後限五日內交納。由部照批察驗。逾限者。將領解官叅處。如已到京。不即交納。或姦蠹包攬。及崇文門後需索。抑勒者。照侵欺例處分。○二十五年

諭直隸。山東。河南。停解本色狐皮。準以折色解部。在京採買。欽此。○二十六年。覆準直省。停解芝麻花絨。折色解部。俟庫內用完。再行解送。其梨木板片。停其解送。俟需用時。在京購買。如尺寸不符。再行文。該撫辦解。○又覆準山東等省。停解牛角。白芨。紫草。靛花。均行折價解部。○二十七年。覆準

蜀道險阻。解送白蠟。恐致累民。著停其解送。將採辦價銀。撥充兵餉。○二十八年。覆準廣東。每年解送本色顏料。止委府佐二人。分批彙解。○又題準各省所解顏料。該督撫計路程遠近。酌給水脚。以杜濫派。○三十一年。覆準豫省。不產牛角。將增辦千五百副。改令廣東。太平關。粵海關。揚關。每關五百副。揚關。每年限十一月內到部。太平關。粵海關。限次年二月到部。○三十三年

諭各省解送各項物料內。或有無用者。亦有京師可以

辦買者令該部將應行解送應行停止款項確議具奏欽此遵

旨議定各省解送黃楸木等九十九項令照舊解送白銅無應用之處將此項停解青粉等三十八項外省價值并脚價合算比在京時價轉貴停其外解如有應用之處在京照時價採買或遇時價騰貴京中闕少由部具題再令出產省分解送○三十八年議準各省辦解物料均照賦役全書開載辦解其辦買價值路費均動正項○五十一年議準各省應解顏料等項如不堪應

用將監辦官照侵蝕入已例嚴加究處該撫照不行遴委能員例議處其辦買價值即著落監辦官及該撫分賠○五十八年覆準顏料庫照銀庫例動支舊存物料將新收者別行收貯○雍正三年奏準舊定各省解送物料有非本省所出者皆停其解送改於出產省分或貨物聚集之處令其解送直隸山東原解牛角弓面停其解送俟庫存牛角將用完時改令出產之江南湖北湖南三省分解陝西所解茜草暫停解送俟庫內所存將用完時令其起解山西增解

之毛頭紙百有五萬張停其解送每年但將原解十有五萬張解送俟數年之後酌量足用再停額解

一

盛京戶部銀庫收貯金銀幣帛顏料等物供應

三陵祭祀及東三省

即盛京船廠黑龍江

官兵俸餉各項賞賜

之用每歲

盛京戶部預疏請撥由部劄庫發給委官運往貯

庫按期分發次年入奏冊覈銷

庫設掌關防郎中一人員外郎

一人司庫一人

一

盛京將軍庫船廠將軍庫寧古塔副都統庫白都

訥副都統庫三姓副都統庫拉林副都統庫齊

齊哈爾將軍庫黑龍江副都統庫墨爾根副都

統庫湖蘭城守尉庫各貯該處官兵俸餉暨雜

稅官莊糶賣糧價按年造冊申部察覈

無額設庫官

一直省藩庫乃一省財賦之總匯各州縣歲徵

田賦雜賦除存留支用外餘悉起解布政使司

貯庫庫設大使一人間設副庫使一人司啟閉

執平衡布政使司掌稽收支出納之數彙冊申

巡撫達部察覈直隸。山東。山西。河南。安徽。江蘇。江西。福建。湖北。湖南。陝西。甘肅。四川。廣東。廣西。貴州。各布政使司庫設大使一人。浙江。雲南。布政使司庫各設大使一人。副庫一人。

一按察使司庫專貯贓罰銀錢按例報解刑部公用外餘解部察收無額設庫官各省同

一糧儲道庫督糧道庫專貯漕項銀凡漕項編入於地徽州縣隨地賦徵解布政使司布政使

按額移解糧道在本省則收貯道庫運糧抵通則解納通州戶部分司即坐廳庫設大使一人糧

道掌稽出納造冊申漕運總督咨部考覈山東。河南。江蘇。

安徽。江西。浙江。湖北。湖南。各糧道庫設大使一人。戶部分司通濟庫設大使一人。

一驛道庫專貯驛站夫馬工料河道庫專貯河

餉兵備道庫專貯兵餉均由布政使司或照額

移解或由部撥鄰省運往貯用各道掌稽出納

造冊申督撫河道總督分咨兵工二部暨本部

察覈無額設庫官各省同

一鹽運使司庫鹽法道庫專貯正雜鹽課凡場

大使之徵解商人按引之輸納悉入焉庫設大

使一人鹽運使司鹽法道掌稽出納造冊申鹽

政管鹽督撫咨部考覈長蘆。天津。山東。河東。兩淮。廣東。各運鹽使司庫



福建。兩浙。四川。廣西。雲南。各  
鹽法道庫。並設大使一人。

一各稅務由部差者。有監督庫。專貯關鈔。按例  
分四季解部。如係道府廳州縣等官經營者。則  
貯經理之該員庫內。年底報解部庫察收。無額設庫  
官各  
省同

一地居衝要之分巡道庫。府庫。直隸州庫。暨分  
駐苗疆之同知通判庫。均按地方大小。距省遠  
近。酌撥司庫銀。分貯各庫。以備緊需。每歲布政  
使司入春秋季報冊。咨部察覈。無額設庫  
官各  
省同  
一州縣衛所庫。收貯本邑正雜賦銀。存留者。照

額坐支。起運者。徵解布政使司庫。按催徵限期。  
造具完欠數目冊。隨時申報。司撫入奏。銷考成。

無額設庫  
官各  
省同

一盤察康熙十五年題準。各省布政使司。管糧  
守道。或有升降。將一應經收經放。並實在錢糧。  
令其逐一造具清冊交代。至所造交代文冊。若  
布政使司升任本省巡撫者。令本省總督確察  
具題。如無總督省分。該撫不便自行具題。令新  
任布政使司覈明具題。如升調別任。并降革事  
故離任者。均令本省巡撫確察具題。其交代錢

糧有侵欺透冒那移墊解等弊均照例處分至  
督撫不行覈明朦溷徇庇具題者事發將督撫  
一并嚴加議處○二十四年議準各省藩司遇  
升任或降調交代時必將其任內收放錢糧令  
督撫親身確察如有侵那虧欠者即行題叅如  
無虧欠即具並無侵那甘結送部察覈○二十  
八年議準各省藩司交代之時雖令巡撫親身  
盤察具結送部但未有逐歲盤察之例嗣後令  
各巡撫於每年奏銷時將司庫錢糧親身盤察  
如無虧空於奏銷本內保題倘仍有虧空將巡

撫照例治罪○五十年議準各省運司庫貯鹽  
課責任與藩司相同嗣後運使交代亦照藩司  
交代之例將舊官任內收放錢糧新官交盤出  
結造具四柱清冊呈詳巡鹽御史具題分送部  
科稽察如有徇隱情弊察出一并議處追賠○  
雍正八年議準各省驛道升轉離任時交代錢  
糧令造具四柱欵冊該督撫具題報部察覈○  
十一年議準各省糧驛二道庫貯錢糧向於奏  
銷時責成藩司盤察出結保送未將出入數目  
隨時移會藩司覈對嗣後凡有收支欵項數目

均令隨時知會藩司存案。每年奏銷時，仍將該年出入款項支存確數，及各年各款支存銀數，備細造冊移司。該布政使司逐款覈對，出具盤察清楚印結，送部察覈。其每年奏銷，奉部題覆之後，該督撫仍行知該布政使司存案覈對。○又議準各省驛道庫貯錢糧交代時，既係造冊具題，糧道乃各省漕項錢糧筭鑰，其新舊交代自應一例題報。嗣後各省糧道如有升轉離任，新舊交代將任內一切經手錢糧亦造具細款四柱清冊具題送部察覈。○乾隆四年議準各

省鹽道庫止貯正雜鹽課，向無盤察之例。通行管鹽督撫鹽政，將道庫鹽課錢糧於每年奏銷時親臨盤察。虧則題參，足則出結題報。如有隱匿扶同等弊，一經發覺，照例參處。○五年題準直隸霸昌口北二道庫有預備軍需銀，天津通永大名三道庫有歲搶修暨預備要工銀，均應不時盤察。嗣後各道庫內有原貯河工錢糧例應河督盤察者，將分貯兵餉并令河督就便盤察結報。其餘道庫令藩司委官盤察結報。

盤察府州

縣例詳見田賦

一留貯。雍正五年議準。各省布政使司庫貯錢糧。悉令造入春秋二季報冊候撥。至冬季大撥時。又將各省應存。及次年額徵。悉行撥充兵餉。司庫幾無餘剩。倘有急需。鞭長莫及。應按地方之遠近。存剩之多寡。酌留數十萬。令該督撫公同封貯藩庫。如有動用之處。題明動用。隨酌定直隸近京無庸留貯外。山東藩庫留貯十萬。山西。河南。湖北。陝西。廣東。各二十萬。江蘇。安徽。江西。福建。浙江。湖南。甘肅。四川。廣西。雲南。貴州。各三十萬。封貯備用。每年入季冊報部察覈

一分貯。雍正八年

諭。向因大宛二縣。常有速辦之公事。不得不那庫銀以濟用。而上司察知。每以虧空題參。至於罷黜治罪。實為可憫。用沛特恩。於大宛二縣。各發帑銀萬兩。存貯該縣。倘遇有速辦之公事。準其詳明府尹動支。近思辦理軍需之州縣。其急切應付之處。刻不容緩。而該州縣並無存貯備用之項。朕意欲於辦理軍需暨事務繁劇之州縣。亦仿大宛之例。酌留帑銀。以備急切之用。其如何舉行。俾辦公有賴。而弊竇不生。著大學士等悉心定議具奏。欽此。隨遵

旨議準。按省分之大小。直隸。山東。山西。河南。各存留十  
五萬兩。江蘇。安徽。江西。各十萬兩。福建。二十萬  
兩。浙江。湖北。湖南。各十萬兩。西安。甘肅。四川。各  
三十萬兩。廣東。十萬兩。廣西。十五萬兩。雲南。貴  
州。各二十萬兩。各分貯府庫。直隸州庫。如有急  
切公務。具文請領。該府州立即給發。該州縣辦  
理之後。據實開報。該府州轉申布政使司督撫  
覈實。歲終造冊咨部察覈。○乾隆五年議準。各  
省分貯銀兩。有因軍需動用者。亦有始終未經  
動用者。若不隨時酌宜。或久貯不加察覈。恐日

後漸啓侵虧。於急切需用時。轉多貽誤。令該督  
撫酌量地方情形。是否仍應分貯。抑或歸并司  
庫酌留項下備用。妥議報部。隨議定。直隸原分  
貯銀十五萬。仍分貯道府庫十有一萬。餘四萬。  
提回司庫候撥。山東原分貯十有五萬。均歸入  
司庫酌留項下封貯。山西原分貯十有五萬。仍  
分貯各府四萬。其餘十有一萬。提回司庫。河南  
原分貯十有五萬。仍分貯府州二萬。其餘十有  
三萬。歸入司庫。江蘇原分貯十萬。仍分貯府庫  
二萬。道庫運司庫六萬。餘二萬。歸入司庫。安徽

原分貯十萬。仍分貯府庫五萬。餘五萬。歸入司庫。江西原分貯十萬。仍分貯府庫三萬。餘七萬。歸入司庫。福建原分貯二十萬。浙江。湖南。廣東。原分貯十萬。均仍分貯各府州庫。湖北原分貯十萬。仍分貯府州庫五萬。餘五萬。歸入司庫。陝西原分貯三十萬。仍分貯府州庫十萬。餘二十萬。歸入司庫。甘肅原分貯三十萬。仍令分貯府州庫二十二萬。餘八萬。歸入司庫。四川原分貯三十萬。仍分貯府州庫。叙永。松潘。二同知庫。二十萬七千兩。餘九萬三千兩。歸入司庫。廣西原

分貯十五萬。仍分貯府庫六萬六千兩。餘八萬四千兩。歸入司庫。雲南原分貯二十萬。仍分貯各府庫萬八千兩。餘十有八萬二千兩。歸入司庫。貴州原分貯二十萬。仍分貯道府庫。台拱。八寨。同知庫。都江。丹江。清江。通判庫。三萬六千兩。餘十有六萬四千兩。歸入司庫。各開造酌留項下。封貯備用。每年入季冊報部察覈

一寄貯。雍正十年覆準。各省沿邊營汛。去省寫遠。兵丁得餉甚遲。且逐季赴藩庫請領。更多盤纏運脚之費。若兩季兼領。餉一到營。全數給發。

又恐兵丁任意花費。請將官兵所領兩季餉銀。寄貯同城文官庫內。武弁撥兵看守。按月給發。於兵丁有益。但各省支放不同。營制不一。令各督撫各據該省情形詳晰議定。直隸。貴州。二省。仍按季支給。山東。河南。二省。分撥附近州縣。按月支給。其山西之潞安。澤州。大同。等營。江南之潛山。徽州。等營。暨河標各營。江西之吉安。等營。福建之臺澎。南澳。延平。建寧。等營。浙江之象協各營。湖廣之穀城。彝陵。等營。陝西之固原。等營。四川之松潘。等營。廣東之瓊州一鎮。暨水師營。廣西之永寧。等營。雲南之昭通。永北。永順。各鎮營。均離省遙遠。所需兵餉。準赴藩庫總領。兩季領回之日。寄貯同城府州縣庫。仍照例按季按月散給。





